


Lirica Medievale Romanza

Published on *Lirica Medievale Romanza* (<https://letteratura.europa.let.uniroma1.it>)

Edizione diplomatica



[...]Ernart de uentadorn si fo de lomozi
del castel de uentadorn. **h**om fo de pau
bra generacio. **f**ils dun siruen del castel
quera forniers q(ue)scaudaua lo forn a co
zer pa. **b**els homs era e adreitz. **e** saub be
chantar e trobar. **e** uenc cortes e ensey
natz. **e**l uescoms lo sieu seyner de uenta
dorn sabeli molt de lui. **e** de son trobar
e de son cantar. **e** faziali gran honor
el uezcoms de uentadorn si auí moyler
Ioue e gentil e gaia. **e** si sabeli den bernart e de soas chansos **e** se
namoret delui. **e** el dela domna. si quel fes sas chansos e sos uers
della delamor quel auia az ella. **e** de la ualor de lieis. **l**onc temps
duret lur amors. **a**ns quel uezcoms ni lautra gens sen ap(er)ceubes
E can lo uezcoms sen ap(er)ceup si se strahet de lui. **e** la domna li fes
dar comiat an bernart quel se partis es lonhes daquela enco(n)trada
et el li sen partit e sen anet ala duguessa de normandia. quera
ioue e de gran ualor **e** sentendia en pretz **e** en honor **e** en ben dig
de lauzor. **e** plazion li fort las chansos den bernat **e** ill uers. e ela lo
receup alegamen. grans temps estet. **b**(ernart). en sa cort e lai fes man
tas chansos. e apelaua la. **b**(ernart). alauzeta p(er) amor dun caualier q(ue) lama
ua. **e** ella apelet lui rai. **e** un iorn uenc lo caualiers ala duguessa
e entret en la cambra la dona q(ue)l ui leua adonc lo pan del mantel
e mes li sobral col e laissasi cazer e lieg e .**b**(ernart). ui tot car. i. donzela de
la domna li ac mostrat cubertamen. e p(er) aq(ue)sta razo fes adonc la
canso que dis. **Q**uan uei la lauzeta mouer. e no(n) paset puei gran
te(m)ps quel rei enric dalgenterra passet enormandia e ui la dug
hessa e agradet li tan q(ue) p(er) forsa la pres e menet la en enguelter(r)a
car era mort so marit elai la pres amoyler. **b**(ernart). uiso si trist tan q(ue)
p(er) pauc el no(n) mori de dol. **e** mantenien el si parti de normandia
e uenc al cont Ramon. el cont lo receup alegamen e mizell
en gran riqueza e demoret li tro quel cont mori. **b**(ernart). remas dolens
e marritz **e** p(er) quella t(ri)steza. el simis el ordre de dalon e fes peniten
ça. e aq(ui) mori. sia coneguda cauza a tozt homes auzens q(ue)l coms
nebles de uentadorn q(ue) fo filhs daquela meseysza uescontesa que
.b(ernart). tant amet. **C**ontet ame be. de sain sire. tozt aiso quieu ai fag
escriure den. **b**(ernart). en aquest liure a de las soas chansos.

- letto 170 volte